

ნინო აბაქელია

ქრისტიანულ ჟმინდანთა კულტები დასავლეთ საქართველოში ან კიდევ ერთხელ დან დეცეზის შესახებ



ნინო აბაქელია საქართველოს მეცნიერებათა აკადემიის ივ. ჯავახიშვილის სახელობის ისტორიის, არქეოლოგიისა და ეთნოგრაფიის ინსტიტუტის თანამშრომელია.

იგი ინსტიტუტში 1974 წლიდან მუშაობს. მისი სამეცნიერო ინტერესების სფეროა ზოგადი ეთნოგრაფია და რელიგიის ისტორია „მითი და რიტუალი დასავლეთ საქართველოში“ — ასეთი იყო ნ. აბაქელიას საკანდიდატო დისერტაციის თემა, რომელიც მან 1987 წელს დაიცვა.

ნინოს უყვარს მხატვრობა, სერიოზულადაა გატაცებული მუსიკით.

ქართული ხალხური კალენდარი შეიცავს მრავალ ისეთ ელემენტს ორგვარი ინტერპრეტაციის (წარმართულისა და ქრისტიანულის) საშუალებას რომ იძლევა. წინამდებარე წერილი სწორედ ამის ილუსტრაციას წარმოადგენს.

9 დეკემბერს ძველი სტილით ზემო სვანეთის ზოგიერთ თემსა და ქვემო სვანეთში უქმობდნენ ე. წ. აწნობ|აწნაშ დღეს და სადილის წინ ლოცვა-ვედრებას ასრულებდნენ შესაწირავებით.

აწნაშ|აწნობ სვანურ დღეობათა კალენდარში სხვა ორ დღესთან ერთად (კეკდობ და ლიჭმდვარ) ქმნის პერიოდს ახალი წლის დღეობათა ციკლში, რომელსაც აწნაშეიერი ეწოდება.

ამგვარად, ახალი წლის დღეობები აწნობი, კეკდობ ძველად წარმოადგენდნენ აწნაშეირის სახელით ცნობილი ხანგრძლივი დღესასწაულის დღეებს, რომლებიც საერთო რიტუალით და თაყვანისცემის ერ-

თი და იმავე პერსონაჟებით, კერძოდ, ან-ით იყვნენ გაერთიანებული.

აწნაშ დღეს დიასახლისი გამოაცხობდა ყველიან ან უბრალო შესაწირავ კვერებს, რომელსაც სვანურად ლემზირები ეწოდება და მათ აწნს შეავედრებდა:

„აწნს დიდება მოგსვლოდეს, აწნო მადლიანო,
შენი ლოცვა-დიდება ჭერიანი გვიყავ,
მრავალი დღეის დღე კარგ გულზე მოგვასწარი,
როგორც შენს შავედრებელს შენ შეეწიე,
ისე შეგვეწიე ჩვენ,
გენუკვით ამას, დიდების მიმღებო, აწნა“.

ლოცვის შემდეგ, ყველანი სუფრას შემოუსხდებოდნენ და სხვა საკმელთან ერთად შეწირულ კვერებს შეეჭეოდნენ.

გარდა ზოგადად ლოცვისა, ხსენებისა ამ დღეს აწნს შესთხოვდნენ: შეწვენას. დღეობის კარგ გულზე მოსწრებას, კაცის სულადობის სიმრავლესა და მშვიდობას, ფეტვის მოსავლის მინიჭებას, ყოველთვის ფეტვისა და აგრეთვე ლოცვის „დაჯვარვას“, თვალისა და გულის სიმხიარულეს, თვალთა სნეულებისაგან განკურნებას, ქირის აცილებას და სხვ.

ლატალში ეს უქმე განკუთვნილი იყო თვალების ტკივილის საწინააღმდეგოდ. ვისაც ამ დროს თვალები სტკიოდა, თავისი სურვილით ან მკითხავის რჩევით ამ დღეს უსმელ-უქმელი (სვანურად — მკტმე) რჩებოდა დილიდან მზის ჩასვლამდე. სახლის უფროსი ქალი მიდიოდა აწნ-ის სალოცავში და თან მიჰქონდა კვერის გამოსაცხობად პურისა და ფეტვის ფქვილის ცომი. წამოღებული ჰქონდა აგრეთვე, სანთელი თვალის ტკივილით დაავადებულის სახელზე. სალოცავში ის აცხობდა პურის ცომისა და ფეტვისაგან შესაწირავ კვერებს. ფეტვის კვერებს ავადმყოფის სახელზე აუცილებლად სამ-სამ ცალს, ხოლო დანარჩენებზე რამდენიც მოხვდებოდა. ამ პურებით ხელში და ანთებული სანთლით ის ევედრებოდა აწნს, აეშორებინა მისი ოჯახისათვის თვალების ტკივილი და ავადმყოფი მოერჩინა. ხდებოდა იმგვარადაც, რომ ოჯახი სახლში გამომცხვარ პურებს და სანთელს გაატანდა თავისი ოჯახის წევრ ბავშვს, რომელიც სალოცავ აწნ-ის მცველი გვარის წარმომადგენელს მიტანილს შეაწირვინებდა. გასამრჯელოდ მას ბავშვი 2—3 სალოცავ კვერს უტოვებდა, ხოლო დანარჩენი სახლში მიჰქონდა. ოჯახის თითოეული წევრი ფეტვის კვერსა და სალოცავ კვერს შეჭამდა და ამის შემდეგ მკტმეც პირს იხსნიდა.

ზოგან, მაგალითად, ლენჯერში აწნაში თვალების ტკივილის საწინააღმდეგო დღესთან ერთად ფეტვის მოსავლიანობის დასაბეველადაც ითვლებოდა. ჯერ კიდევ ფეტვის მოსავლის აღების დროს სა-

უკეთესო ფეტვის გადაარჩევდნენ, დაფქვავდნენ და აწნაშ დღისათვის შეინახავდნენ. ამ ფქვილს ფეტა ანუ აწნა გუბი (ფქვილი) ეწოდებოდა. დღეობა დღეს ამ ფქვილისაგან გამოაცხობდნენ ფეტვის კვარებს (კვდარ), წაიღებდნენ მათ აწნის ეკლესიის ნანგრევებზე სოფელ ქაშვეთში და იქ შესწირავდნენ. სამი ცალი ფეტვის პურით აწნს ევედრებოდნენ — თვალის სიმართლე მოგვეციო. დანარჩენებს ფეტვის მოსავლიანობის სახელზე სწირავდნენ. ის ოჯახი, რომელსაც შინ თვალის ტკივილით დაავადებული ჰყავდა ვინმე, საღამოსაც გამოაცხობდა ფეტვის ფქვილისაგან სალოცავ კვარებს ლემზირებს, რომლებსაც თვითონ ავადმყოფი შესწირავდა აწნს და შესთხოვდა, თვალის ტკივილისაგან მომარჩინეო. ამ დღეს ეკლესიაში შეწირული რიტუალური პურებიდან ერთ ცალს იქვე ბავშვებს მისცემდნენ, დანარჩენს კი სახლში დააბრუნებდნენ და ოჯახის ყველა წევრს აგემებდნენ.

ამ დღის დანიშნულება (ის რომ იგი ფეტვის მოსავლისადმი და ასევე სნეულების თავიდან ასაცილებლად იყო განკუთვნილი) კარგად ჩანს მესტიური მასალიდან. აწნაში ითვლებოდა საყოველთაო უქმედ და განკუთვნილი იყო ფეტვის მოსავლისადმი. ოჯახის ერთ-ერთი წევრი ამ დღეს დილიდან საღამომდე უსმელ-უჭმელი იყო (ზოგიერთ შემთხვევაში ამ დღეს ბავშვების გარდა ყველა თმობდა). საღამოს დიასახლისი გამოიღებდა ფეტვის წმინდა ფქვილს, დაასხამდა წყალს, მოაყრიდა მარილს და მოზელდა. შემდეგ აფუებული ცომით ის ლოცულობდა:

ო, დიდება მოგსელოდეს,
 მაღლი მოგსელოდეს აწნა ლატალისას!
 აწნა ლატალისაო, შენ გეხვეწებით შენი წმინდა ფქვილით,
 და შენ გაგვიმარჯვე შენი ლოცვა, ფეტვის მოსავლით გაგვახარე,
 დიდება მოგსელოდეს აწნა ლატალისას;
 სანამ დღევანდელ დღის თმობას არ
 შევწყვეტ, მანამ ჩვენი ფეტვის მანე
 არაფერი ჰქნა, დიდება მოგსელოდეს აწნა ლატალისას.

ამ ლოცვის შემდეგ, ის ცომს პატარ-პატარა ნაჭრებად დაანაწილებდა, დაურიგებდა ოჯახის წევრებს, რომლებიც მათ მაშინვე შეჭამდნენ. დარჩენილი აფუებული ცომისაგან პურის მცხოველი დიასახლისი (სვანურად — მერბიელი) გამოაცხობდა სულზე ორ ცალ პატარ-პატარა სალოცავ კვარს — ერთს ფეტვის მოსავლისადმი განკუთვნილს და მეორეს — თვალის ტკივილის საწინააღმდეგოდ. ფეტვის მოსავლისადმი განკუთვნილი სალოცავი კვარებით ის იმგვარადვე ილოცებოდა, როგორც ზემოთ, ხოლო თვალის ტკივილისადმი განკუთვნილ სალოცავ კვარებზე შემდეგ ლოცვას წარმოსთქვამდა:

დიდება მოგესლოდეს აჰნს ლატალიას,
შენ გავედრებთ შენ წმინდა ფქვილს,
ჩვენ ოჯახში მყოფ ადამიანს ააცილე შენგან
გაშეებული ჰირი, გააქრე ჩვენს სახლში
მყოფი ადამიანების თვალთა ტკივილი,
ქვემოთ წყალს მიეცი, ზემოთ ქარს;
დიდება მოგესლოდეს აჰნ ლატალიას.

ლოცვის გათავების შემდეგ ამ სალოცავ კვერებს ყველას ჩამო-
ურიგებდნენ.

ქვემო სვანეთში აენაში განკუთვნილი იყო მოსავლიანობის დასა-
ბეგებლად. ამ მიზნით ყოველი მოსახლე ამ დღეს აჰნს ევედრებო-
და კარგი მოსავალი მაღირსეო და თან მას სამარხვო პურებს (ტაბ-
ლებს) სწირავდა.

ამრიგად, აენშიერს უქმობენ და განსაკუთრებით ქალები. ხალხში
შემონახული გადმოცემების თანახმად, უქმე დაწესებული იყო ფეტ-
ვის მოსავლის დასაბეგებლად. დღეობისათვის სამზადისი იწყებოდა.
ჩერ კიდევ შემოდგომის პირზე — ახალი მოსავლის აკრეფის დროს
ფეტვის საუკეთესო მარცვლეულს გადაარჩევდნენ, დაფქვავდნენ და
საგანგებო კიდობანში მოათავსებდნენ. ამ მარაგს ფჭტვ გვიზ, ანუ
აჰნვ გვიზ ეწოდებოდა. კიდობანს დიასახლისი პირველად აენშიერ
დღეს გახსნიდა, წმინდა ფქვილს ამოიღებდა და მისგან შესაწირავებს
დაამზადებდა: მანობსა და ჰკვდობს მარტო ფეტვისაგან (ე. ი. სამარხ-
ვოს), ხოლო ჰიშდვრობს — ყველში გადაზეული ფეტვის ტაბლებს.
(პურებს) — გამოაცხობდა ფეტვის მოსავლიანობისათვის.

ყოველივე ზემოთქმულის საფუძველზე სპეციალურ ლიტერატუ-
რაში გაკეთდა დასკვნა, რომ აენშიერი ფეტვის კულტურასთან იყო
დაკავშირებული და ამ მარცვლოვანის კულტს ასახიერებდა. აენში-
ერში თაყვანისცემის ცენტრალურ ფიგურად ფეტვით მოსახსენებელი
და ფეტვის სავედრებელი აჰნ-ია. ფეტვი მის წმინდა გვიზს (ფქვილს)
შეადგენს, ფეტვის მოსავლის მომცემი მანია. ფეტვს აჰნ-ი მფარვე-
ლობს. ამავე დროს, მას შეუძლია მარცვლოვანს რაიმე მავნე შეპყა-
როს და ამით ხალხს ფეტვის მოსავალი წაუხდინოს. აქედან გამომდი-
ნარე, ვ. ბარდაველიძე ვარაუდობდა, რომ ფეტვის მფარველ ღვთა-
ებად შეიძლება აჰნი ჩაითვალოს.

სადიდებელ-სავედრებლებში აჰნი იხსენიება, როგორც „ბატონი“
ანუ „უფალი“ (აჰნ ფუსდ), მაღლიანი (აჰნ მაღდიჰნ), ზეამაღლებული
(ეიბე ლგკლათხე) და აჰნ-ი ზეცისა (აჰნ დეცეშ). ამ ეპითეტების მეც-
ნიერული ღირებულება, როგორც ამას ვ. ბარდაველიძე აღნიშნავს, უმ-
თავრესად იმით განისაზღვრება, რომ ისინი გარკვეულ ღვთაებათა ზე-

ციურობის მაჩვენებელნი არიან. მეცნიერის აზრით, იჰნის მსახურება და თაყვანისცემა სალამოს, მზის ჩასვლის შემდეგ, მიუთითებს იმაზე, რომ ეს ციური არსება ღამის ბატონი (მთვარე) უნდა ყოფილიყო. აქედან გამომდინარე, ფეტვის ღვთაება მთავარის ღვთაების სახით უნდა ყოფილიყო წარმოდგენილი.

ვ. ბარდაველიძის მითითებით, აჰნ (დეცეში), ფეტვის წარმართული ღვთაება, ერთი მხრივ დაკავშირებულია მთვარესთან, ხოლო მეორე მხრივ — იონა წინასწარმეტყველთან. ამ დასკვნის გამოტანის საშუალებას მკვლევარს აძლევს ლატალის თემის სოფელ იენაშისა და ლენჯერის თემის სოფელ ქაშვეთში ნანგრევების სახით შემონახული იონას სახელობის ეკლესიები (რომელსაც სვანები აჰნ-ის სალოცავს უწოდებდნენ). მის მიერ მესტიაში ფიქსირებული დღეობა აჰნაშის ლოცვის ტექსტშიც ლატალის ეკლესიის წმინდანი აჰნ-ის სახელით (აჰნ ლატლშ) მოიხსენიება. აქედან გამომდინარე, ვ. ბარდაველიძის აზრით, სვანებს თავისი რწმენა-წარმოდგენები წარმართული ღვთაების შესახებ იონა წინასწარმეტყველზე გადაუტანიათ და ამ გზით ქრისტიანობას გარკვეული წვლილი შეუტანია ფეტვისა და მთვარის კულტის ჩვენამდე დაცვის საქმეში. რაც შეეხება ღვთაების სახელს აჰნ-ს, იგი, მკვლევრის აზრით, შეიძლება იონას სვანურ ფორმად ჩაითვალოს, რომელიც ამ წარმართულ ღვთაებას იონასთან დაკავშირების შედეგად გაუჩნდა.

ვ. ბარდაველიძის მიერ სვანეთში დაფიქსირებული და ინტერპრეტირებული ეს უნიკალური მასალა სხვაგვარი გააზრების საშუალებასაც იძლევა. დავიწყოთ თვითონ პერსონაჟის სახელიდან. იგი ლოცვის ფორმულაში აჰნ ფორმით გვხვდება. დღეობის სახელწოდება აჰნა-შ-ი//აენა-ში//ანობი გვაფიქრებინებს, რომ ამ სახელის საწყის, მაწარმოებელ ფორმად ან კი არა, არამედ აჰნ უნდა ყოფილიყო. აქედან გამომდინარე, დღესასწაულის სახელწოდება აჰნაშ — აჰნა-ს სახელზე განკუთვნილ დღეს აღნიშნავს. ჩვენი აზრით, აჰნ აჰნა-ს ხმოვანმოკვეცილი ფორმაა. ამ ვარაუდის სასარგებლოდ მეტყველებს სვანურის ტენდენცია შეკვეცოს ბოლო ხმოვანი (ჩვენს შემთხვევაში ეს დასაშვები ჩანს, რამდენადაც ადგილობრივი მოსახლეობის მეხსიერებაში არ შემორჩენილა თუ რომელი წმინდანი ან ღვთაება იყო აჰნ). ამრიგად, აჰნ შეიძლება მივიჩნიოთ იოტიზებულ, ბოლო ხმოვან შეკვეცილ ანა-ს ფორმად. აქედან გამომდინარე, აჰნ ლატლშ — ლატალის ანას ნიშნავს, ხოლო ანა გვიჩი — ანას წმინდა ფქვილს.

საინტერესოა, რომ კალენდარული რიცხვი დღეობისა, 9 დეკემბერი ძველი სტილით, ქრისტიანულ ტრადიციაში ითვლება ყოვლადწმინდა ღვთისმშობლის მართალი ანნასაგან მუცლადღების დღედ. წმიდა ანა, დედა ყოვლადუბიწო ქალწულ მარიამისა ასული იყო

ბეთლემის მკვიდრი მღვდელმსახურის მატფანისა, ტომით ლევიინელია. იგი მართალ იოაკიმეზე დააქორწინეს, რომელიც წარმოშობით გალილეადან იყო. ხსენება მართალთა: ანნასი და იოაკიმესი აღინიშნება 9 სექტემბერს (ღვთისმშობლის შობის მეორე დღეს).

მართალი ანნასაგან ღვთისმშობლის მუცლადღებას, ქრისტიანთათვის ამ უდიდეს მოვლენას, მართმადიდებელი ქრისტიანები გამორჩეულად ზეიმობდნენ. ანნა|ანნა-ს დაკავშირება მართალ ანნასთან ბუნებრივი ჩანს არამართო ფონეტიკური მსგავსების გამო ან კალენდარული ნიშნით, არამედ, მისი, როგორც მკურნალის, ფუნქციითაც. გავიხსენოთ, რომ შუა საუკუნეების მიწურულში დასავლეთში (იგულისხმება დასავლეთის ეკლესია, რომლის საეკლესიო პრაქტიკა მნიშვნელოვნად განსხვავდება მართლმადიდებლურისაგან) ანნა იოაკიმესაგან განცალკევებულ კულტს იღებს (ეს ფაქტი ხატწერაშიც პოულობს ასახვას). როგორც სხვადასხვა სენისა და, განსაკუთრებით კი ჭირის, მკურნალი. მისი ამგვარი ფუნქცია კარგად ჩანდა ზემოთ მოტანილ სვანურ მასალაშიც.

ამრიგად, სახელი ანნა-ს და მისი ფუნქციების ინტერპრეტაცია საშუალებას გვაძლევს ვივარაუდოთ, რომ ანნა-ს დღე იყო მართალი ანნასადმი მიძღვნილი დღეობა, რომელიც სვანეთში სპორადული სახით შემორჩენილია.

საქართველოში — ღვთისმშობლის წილხვედრ ქვეყანაში, მართალი ანნას კულტი და მისდამი მიძღვნილი დღეობა უცხო და უცნაური არ უნდა ყოფილიყო. ჩვენს ხელთ არსებული მასალის საფუძველზე აღნიშნული წმინდანის კულტის კვალი შეიძლება მიკვლეულ იქნეს ლეჩხუმშიც, საშობაო დღეობათა სერიაში, რომელიც „შობის ბებია“ სახელითაა ცნობილი. ქრისტეს შობას ლეჩხუმში შემოკლებით შობას უწოდებენ, მის მეორე დღეს — „შობის დედას“ (ქრისტიანული კალენდრით, კრება ყოვლადწმინდა ღვთისმშობლისა), ხოლო შობის მესამე დღეს — „შობის ბებიას“, რომელიც, ჩვენი აზრით, იესო ქრისტეს ბებიას — მართალ ანნას — ეძღვნებოდა. ლეჩხუმში შობის დედა და შობის ბებია უქმე დღეებად ითვლებოდა და მათ განსაკუთრებით ფეხმძიმე ქალები ინახავდნენ.

რაც შეეხება ანნა-ს დღეს ფეტვის მოსავალზე ზრუნვას, ეს უნდა მომდინარეობდეს სეზონის სპეციფიკიდან, კერძოდ, ზამთრის პერიოდიდან, როცა შენრულებულ ლოცვებსა თუ მაგიურ ქმედებებს შედეგი მომდევნო სეზონში უნდა გამოეღოთ.

აღნიშნულთან დაკავშირებით შეიძლება გავიხსენოთ რაქასა და ლეჩხუმში „საბარბალო ტაბლების“ (ლობიანი ან ნიგვზიანი პურების) გამოცხობის ჩვევა ბარბალობაზე, 4 დეკემბერს ძველი სტილით; ჭანტილის ფაფის ხეებზე წასმა ჭანტილობა დღეს — შობის წინა

დღეს, ე. ი. 24 დეკემბერს ძველი სტილით; ფეტვის ფქვილის, როგორც რიტუალური ფქვილის, გამოყენება: სხვა სვანურ დღესასწაულებში და ა. შ. ყველაფერი ეს კეთდებოდა მომავალი წლის უხვი მოსავლის დასაბეველად.

ამრიგად, მართალი ანნას დღის არსებობა სვანეთში, შობის ბებიის არსებობა ლეჩხუმში შუქს ფენს დღეისათვის უკვე გამჭრალი ქრისტიანული კულტების გავრცელებისა და განფენის საკითხს საქართველოში.